

praeoptatam. A. MDCXCVII. in Gregoriano iterum festo benignitatis memoriam Gymnasique adeo fortunam extare volebat orationibus de beneficiis palam & secreto dandis praemissum schediasma. A. MDCXCVIII. Gallina, Hennebergiae Insigne, cum in Imaginum Oratoriam visendam hinc sumtae essent orationes publicae, commemorandi, gratulandi & vouendi *fortunas amplissimas* apprime nobilem, suppeditavit occasionem. A. MDCXCIX. eadem in solennitate Gregoriana cum de Literariis paradoxis dici iussimus, tum in Sleusingsium *Literarum Excelssimos Statores*, horumque simul fortunam apprecando est transcursum. Proxime superiori anno, quinquennii *Rektoratus mei* quasi auspice, ex *Typographorum Iubilaeo* orationibus publicis perinde ac schediasmate fortunam studuimus prorogare NVTRITORIBVS, totique post *Gymnasio*, ita apud DEVM intercedentes. Atque num rectiori ausu *feriae Gregorianae*, quae imminent, seque publicis denuo orationibus gestiunt celebrari, agi poterunt, quam si seruetur semel bene electus in pietate ordo, vota que iterum iterumque nuncupantur? Ut resideat beneficiorum & fortunae memoria in animis nostris mentibusque, & haec ad alios perferatur fama, quidni αἰς ἐν συνόψει meminimus illa potiora, vnde diuinae gratiae eluceat, ubertas, SERENISS. Pp. Clementia inusitatio, Synedriorum cura ad summas efferenda laudes, & quam concernunt tandem in vniuersum omnia, ILL. GYMNASII SAXO-HENNEB. SCHLEVSINGENSIS FORTVNA QVINQVENNALIS?

Veteres Romani, qua erant in faciendis votis religione, exacto itidem quinquennio πενήνυεαν πενταετηρίην, & quinquennialia pro Imperatoribus suis *vota* instituerunt; decretis supplicationibus solennibus, sacrificiis & ludis; paratis, aeternandae pietatis causa, nummis, in quibus & haec saepe verba comparebant: FELICITER. FELICIA. FELICISSIMA: & orationibus tandem, quas disertissimi quique sibi habebant demandatas. Quam in rem quae *Carolus du Fresne* in *dissert. de infer. aeu. numism.* habet, videri possunt, nec non *Nazarii Panegyricus*, in quinquennialibus, plerorumque iudicio, dictus, & antiquis Panegyricis haecenus solitus iungi. Etenim qui lustrâ condituri formula, apud *Brissonium de form. Pop. R. L. I. p. 79.* reperienda, utebantur: DEOS IMMORTALES PRECAMVR, VT RES POP. R. PERPETVO INCOLVMES SERVENT. Qui & in periculis magnis *versacrum* Ioui vouere solebant, & pro quinquennio Reip. feliciter auspiciando in hanc desinere obligationem: SI RESP. POP. ROM. AD QVINQVENNIVM PROXIMVM SALVA SERVATA ERIT, QVOD VER ATTVLERIT EX SVILLO, OVILLO, CAPRINO GREGE, IOVI FIET. Illi, inquam, non poterant, non in Imperatorum domos eodem ferri affectu, & exacto vno quinquennio nouum, hoc iterum absoluto aliud, & sic deinceps, apprecari. Imo vero nihil causae subesse video, quare antiquum nunc morem in vitam reuocatum nolim, & quanquam a *Theodosii* aeuo

vota